

東洋史要卷三

日本文學士桑原隲藏原著

山陰樊炳清譯

近古期

第一篇 契丹及北宋

第一章 契丹之興

契丹者蓋屬通古斯族。南北朝初其部衆以潢河

西喇木倫

附近爲根據。佔

內蒙古東部一帶地。隋唐之際常爲支那所羈縻。暨安祿山亂後。唐室

衰微。乘之南侵拓地。其國舊分八部。各戴大人。八部大人中更推一大

人統全部。以三年爲交替期。及日本歷千五百六十七年

唐昭宗天祐四年

耶

律阿保機統領契丹。用漢人之避難來奔者。改革法度。專圖集權中央。

遂誘殺諸部大人。廢交替之制。定世襲之基。稱皇帝。是爲契丹太祖。時

日本歷千五百七十六年

後梁末帝貞明二年也

太祖既革新內政，欲征伐四隣，先北向侵室韋。女真諸部，女真者蕃殖於黑龍江下流，地屬通古斯族。室韋當其西北，據黑龍江中流，沿岸蒙古族也。尋西向畧回紇地，於青海附近，降吐谷渾，及黨項諸部，踰流沙，征天山附近諸城，遂東還擊渤海國。

渤海國亦通古斯族所建，通古斯族之一種，曰靺鞨部者。南北朝時，散在滿州地方，分數十部，就中黑水、粟末二部尤強。黑水靺鞨據黑水黑龍江附近，粟末靺鞨在其南蕃殖。粟末水松花江沿岸，及日本歷千三百五

十年

周武后天授元年

大祚榮爲粟末靺鞨部長，威勢頓強。唐睿宗封爲渤海

郡王。自是改國號曰渤海。時日本歷千三百七十三年

唐玄宗開元元年

也。

大祚榮後子武藝，從玄孫仁秀等，皆賢明，國勢益張，其屬地東蒞日本。

海西接契丹。南連新羅。北羈黑水。以下諸鞞鞞部。隱爲東方一強國。仁秀之後。四傳而至湮誤。國勢寢不振。契丹太祖乘是時。擊渤海。圍國都忽汗城。吉林甯古塔附近遂降之。實日本歷千五百八十六年。後唐明宗天成元年也。自契丹征服渤海。其屬土內包蒙古滿洲。西則吐蕃回紇。大食。東則新羅諸國。皆前後來貢。太祖以征渤海之年死。子太宗立。謀侵支那。當時唐室已亡。羣雄割據。諸方相爭伐。故契丹得南下。

第二章 五代形勢及契丹南侵

後梁太祖朱全忠。旣篡唐室。據大梁。卽汴今之河南開封府稱帝。以興晉王李克

用有舊怨。乃結好燕王。頻侵河東。已而克用死。其子李存勗嗣。先滅燕。

乘勢屢破梁軍。是時太祖已死。其子末帝遂降存勗。事在日本歷千五

百八十三年。後唐光宗同光元年

晉王李存勗滅後梁卽位洛陽。是爲後唐莊宗。莊宗遭兵降岐併蜀。黃河南北關中四川之地悉歸版圖。於是吳吳越楚諸王亦前後入貢。然莊宗自是驕滿耽宴樂。將士怨望。遂叛於鄴都。奉王族李嗣源據大梁。莊宗欲征之。途遇弑。嗣源入洛陽卽帝位。是爲明宗。有孟知祥者乘其內亂略四川地據城都稱後蜀王。

明宗死子閔帝嗣。明宗養子李從珂反陷洛陽卽帝位。時石敬瑭鎮河東有威名從珂舊與有隙。乃遣兵圍晉陽。敬瑭得契丹太宗之援大破。

後唐兵乘勝入大梁。日本歷千五百九十六年。

後唐末帝清泰二年

踐帝位。是

爲後晉高祖。

後晉高祖之得天下也。契丹力居多。故割山西直隸北境十六州歲贈金帛三十萬。酬其勞。且諸事對契丹執臣下禮。及高祖死從子出帝立。

頗失禮於契丹。太宗怒，大舉南下，擒出帝，自據大梁。國號曰遼，河之南北諸州概降之。太宗貪中國金帛，多頻出兵掠四方，諸民憤怨，所在盜起，不能鎮壓。太宗遂留守兵北還，途死。從子世宗繼位，歸臨潢。在西刺木倫上之巴林

後晉將劉知遠，曩守太原，及太宗北歸，逐遼守兵，卽帝位於大梁，是爲後漢高祖。一年死，子隱帝嗣。多殺宿將，鄴都鎮將郭威恐禍及，率部下叛入大梁，爲眾所推，卽帝位。是爲後周太祖。時日本歷千六百十一年，後周太祖廣順元年也。

先是，隱帝叔父劉崇守太原，至是建北漢國於河東，乞援於遼，頻圖恢復。後周太祖死，世宗新立，因乘機與遼合兵，侵後周。世宗逆擊，大破之於高平。山西澤州府高平縣世宗有英略大志，思統一天下，先汰士卒，銷天下佛

像鑄兵器大張軍備尋西向奪後蜀北邊又謀拓地於南

唐之末年楊行密據揚州

江蘇揚州府

稱吳王據江蘇安徽江西地日本歷

千五百九十七年

後晉高祖天福二年

其將李昇篡吳建南唐國於金陵

江蘇江甯府

至其子李璟南滅閩併福建地閩故唐末王審知所建國至是亡璟又

西攻楚取湖南地於是其版圖跨江淮江南間遂欲北略後周屢與遼

北漢後蜀通使日本歷千六百十六年

後周世宗顯德二年

世宗先發擊南唐連

破其兵南唐遂請和悉獻江北地世宗既定南方日本歷千六百十九

年

後周世宗顯德六年復自將北侵遼

遼自太宗後內訌相繼世宗即位不五年被弑太宗子穆宗立耽耽遊

飲酒國勢頗不振後周世宗乘之悉奪瓦橋關

直隸保定府附近

以南地偶罹

疾死子恭帝年僅七歲軍士等以宿將趙匡胤夙有威望擁立之即位

於汴是爲宋太祖。

自唐之亡，羣雄割據擾擾者五十餘年，其間佔中原者，有後梁、後唐、後晉、後漢、後周，故史名之曰五代。及宋代、後周，四方諸國前後衰滅，始復見一統之政云。

第三章 宋之一統

唐末以來，節度使各於其藩鎮，有民治兵馬兩大權。五代時，天子多係其部下所擁立，因而威嚴不重。節度使益輕朝廷，卽租稅亦靳不上輸。節度使之勢力更賴其部下兵士，故兵士尤跋扈。於是太祖欲一掃宿弊，與宰相趙普謀，採用左列諸策：

一、諭宿將功臣，使罷節度使，以文臣承其乏。自是節度使兵權漸弱。
二、節度使向所轄之州郡，令直隸朝廷，由朝廷特派文臣，以爲通判州。

郡之政事必使與通判共議不得專制於是武臣漸失民政之權
三朝廷新命轉運使於天下使理其地方租稅金穀自是節度使全失
財政之權

四淘汰禁軍精選天下驍勇之士以補之且增其兵數使與都外總兵
數相敵於是內外輕重得宜兵士之跋扈亦漸息

太祖既收民治兵馬財政三大權於朝廷一新內政乃外討列國以圖
統一天下

當時列國之不從者北有北漢北漢恃遼援難遽滅姑措之而先經略
南方時南唐已衰獨立湖南地羣雄相爭太祖因遣慕容延釗平其亂
且使途過荆南襲而降其國荆南者五代初高季興所建國據湖北一
部歷事後唐後晉後漢後周久維國命至是亡後蜀大恐謀與北漢夾

擊宋日本歷千六百二十五年

宋太祖乾德三年

太祖乃使王全斌急襲後蜀

降之於是湖南湖北四川之地悉歸宋宋之南境直接南漢

南漢者五代初劉儼所建國儼都廣州

廣東廣州府

併兩廣及交趾爲南方

一強國及宋取湖南儼孫劉鋹屢出兵侵其境日本歷千六百三十一

年

宋太祖開寶四年

尋爲宋將潘美所滅至是南方列國僅餘南唐吳越而已

南唐舊爲南方一強國然自後周世宗時失其江北地尋又失湖南地

國勢不振宋將曹彬與吳越合兵擊降之未幾吳越之地亦歸宋南方

全定於是太祖更北向擊北漢中途而死弟太宗紹其志滅北漢一統天下今略明列國興亡之跡如左表

三年

宋太祖開寶六年

也。已而部領死，有內亂。太宗乃以日本歷千六百四十

年

宋太宗太平興國五年

興師南伐，炎熱無功而還。是時瞿越之軍事總督黎桓

乘外寇蒞境，國內擾亂，廢丁氏而自王。日本歷千六百五十三年

宋太宗清

化四年

來貢於宋。太宗授之爲交趾郡王，以厚兩國之交。交趾自是爲一

外國

二與遼之關係

日本歷千六百三十九年

宋太宗太平興國四年

宋太宗旣滅

北漢，乘勢侵遼南邊。時遼景宗嗣穆宗立，遣耶律休哥大破宋軍於高

梁河

北京之西

明年進圍瓦橋關。爾後二十五年間，宋遼兩國絕好，河北之

地常爲交戰之區。

景宗死，子聖宗嗣。年甫十二，母后蕭氏攝政。后聰明，得將士心。以耶律

休哥有智略，舉使防宋。宋太宗利聖宗新立，使曹彬率大軍伐遼。休哥

逆擊大破之於岐溝關。直隸順天府涿州深探內地宋自是惟一意防戰無復

進取之勢高麗女真二國舊與宋約夾擊遼後見宋無進取意皆降遼

及太宗死真宗嗣聖宗大舉侵宋宋宰相寇準奉真宗至澶州。直隸大名府

却遼軍宋懲於頻年交戰之禍遂歲輸幣銀十萬兩絹二十萬匹與遼

和時日本歷千六百六十四年。宋真宗景德元年也。

第四章 高麗之興及遼之盛

日本歷千三百年代之初半。約自梁武帝至隋文帝之世其間新羅一統朝鮮之地

聖德王景德王等明君輩出國內頗致太平其後次第衰微景德王後

經十六代至日本歷千五百四十七年。唐僖宗光啓三年真聖女王君臨新羅

倭幸弄權羣雄四起甄萱據完山。全羅道全州府國號後百濟弓裔據鐵圓。江原

道鐵圓府陷朝鮮北部已而其部將王建別據松嶽。京畿道開城府建高麗國悉併

弓裔地是爲高麗太祖於是朝鮮復分新羅高麗後百濟三國後百濟

勢尤強陷新羅國都慶州

慶尙道

新羅請降高麗太祖納之屢與後百濟

戰滅焉於是一統朝鮮實日本歷千五百九十六年

後唐末帝清泰二年也

太祖孫成宗時聖宗正君遼怒高麗通宋伐之成宗乞援於宋不應日

本歷千六百五十三年

宋太宗淳化四年

遂降遼成宗死穆宗繼有康兆者弑

之立顯宗於是日本歷千六百七十年

宋眞宗大中祥符三年

遼聖宗自將大軍

四十萬問康兆罪高麗軍防戰不利國都開京

京畿道開城府

陷顯宗奔羅州

全羅道

已而遼主還師後遼兵頻入寇高麗遂納貢稱臣時日本歷千六

百七十九年

宋眞宗天禧四年也

聖宗旣南興宋和東降高麗乃西向河西征回紇又東向滅渤海遺族

之據居吉林者渤海當太祖末年雖已降遼然餘眾散在諸方往往欲

圖恢復時有大延琳者叛遼國號曰興遼已而大敗成擒渤海之地全入遼時在日本歷千六百九十年宋仁宗天聖八年當時遼屬地東蒞日本海西接天山之麓南包支那本部之北北至外蒙古臚胸河今克魯倫河國中建五京以臨潢爲上京遼陽爲東京內蒙古東隅之大定喀喇沁右翼之南爲中京今之北京爲南京後又以山西之大同爲西京其納貢稱臣者高麗吐蕃吐谷渾黠戛斯以下凡六十國

第五章 西夏之興

太宗貞宗之世宋連年與遼構兵其時西夏新建國頻窺宋西陲西夏乃黨項後屬西藏族唐太宗時黨項降唐及後吐蕃得勢屢遭其攻略請於唐移居陝西東北部眾漸蕃殖唐之中其部首拓跋思恭者值黃巢亂援唐以功封夏國公賜姓李自是其子孫世據夏州鄂爾多斯統之南部

近隣諸州殆爲一獨立國。太宗時李繼捧君其國。始入朝。宋其族弟李繼遷率同志降之。遼封以夏王。遂併繼捧之眾。屢侵宋邊。子德明嗣。姑臣事遼與宋。及德明子元昊立。有雄略大志。會河西之回紇部叛遼。獨立。元昊降之。悉併其地。奠都興慶。甘肅省甯夏府阻黃河。依賀蘭山以爲固。號大夏皇帝。有雄兵五十萬。遂東向窺宋邊。時宋真宗已死。子仁宗在位。使韓琦范仲淹等防之。互有勝敗。陝西之地長爲兵馬之區。

遼聖宗以日本歷千六百九十年

宋仁宗天聖八年

死。與宗嗣。乘宋與西夏有

事。聚兵南京。以示南下。欲得周世宗所略故地。於是仁宗增歲幣銀帛各十萬。僅得請和。遼已與宋和。更說宋與西夏以歲幣銀帛二十五萬。而夏受宋冊封。約執臣下禮。兩國和成。時日本歷千七百三年。宋仁宗慶歷三年也。